

ТОШКЕНТ ОҚШОМИ

Газета 1966 йил
1 июлдан
чиқа бошлаган

ШАҲАР ИЖТИМОЙ-СИЁСИЙ КУНДАЛИК ГАЗЕТАСИ

№ 145 (11.456)

Баҳоси эркин нарҳда



Шаҳримизда
фаолият кўрсатаётган
корхоналар орасида
«DESK INVEST»
Ўзбекистон — Австрия
қўшма корхонаси ўз
ўрнини топган бўлиб,
унинг цехларида
илғор технологиялар
асосида ишлаб
чиқарилаётган
бунёдкорлик ашёлари
четдан
келтириладиган худди
шундай товарлар
билан ҳар жиҳатдан
рақобатлаша олади.

ПОЙТАХТНИНГ БИР КУНИ



Иқтисодиёт

ИМПОРТ ЎРНИНИ БОСАДИ

Корхона тадбиркорлари томонидан жорий йилнинг ўтган ярмида 840184 тонна маҳсулот тайёрлашга эришилди, режадаги бу юз фоизга муваффақиятли адо этилди. Бунинг асосий боиси эса замонавий технологик линиялар қуввати, илғор Европа технологиялари шарофати, корхонада меҳнат қилаётган малакали мутахассислар маҳорати десак асло муболаға бўлмайди.

Корхона мутахассислари цехларга ўрнатилган Финляндиянинг автоматлаштирилган технологик линиясида немис технологиялари бўйича металл черепица ҳамда тунока томёқичлар ишлаб чиқаришди. Шунингдек, жорий йилдан бошлаб мана шу маҳсулотлар учун аксессуарлар ҳам тайёрланмоқдаки, улар сифати ва кўриниши билан буюртмачиларга манзур бўлаётми. Маҳсулотлар турли ҳажми ва 12 хил рангда ишлаб чиқарилиб, бунда буюртмачи талаб ва тақлифлари инобатга олинади.

— Аксессуарларнинг замонавий турларини яратишни кўзда тутган ҳолда Ев-

ропа давлатларидан янги технологик линиялар келтиришни режалаштирганмиз, — дейди корхона директори ўринбосари Фарход Ёқубов. — Айни пайтда жамоамизда 40 нафар ишчи-хизматчи меҳнат қилаётган бўлса, янги цех ишга тушгач, қўшимча иш ўринлари ҳам очилади. Биз асосан давлат буюртмаларини бажарамиз. Асосий буюртмачиларимиз мамлакатимиздаги қурилиш ташкилотлари бўлиб, бунёдкорлик кўлами тобора кенгайган бугунги кунда бино ва иншоотлар қад ростлашда, чирой очилишида бизнинг ҳам ҳиссамиз бор. Жумладан, пойтахтимизнинг 2200 йиллик тўйи нишонланадиган жорий йилда ҳам жуда кўплаб объектларнинг фойдаланишга топширилишида улушимиз бор. Энг муҳими эса биз тайёрлаётган маҳсулотлар импорт ўрнини босиши баробарида бирмунча арзонга ҳам тушади.

Дарҳақиқат, корхонада тайёрланаётган металлчерепица ва профил томёқичлар 50 йиллик кафолат муддатига эга бўлиб, совуқ ва иссиққа чидамлилиги, ўрнатил-

га қулайлиги билан афзалдир. Маҳсулотлар учун хом ашё эса Жанубий Корея ҳамда Россиянинг Магнитогорск металлургия комбинатидан келтирилади. Шу боис ҳам ушбу давлатлар билан ҳамкорлик мустақамлашиб бормоқда.

Айни пайтда тадбиркорлар Навоий шаҳрида бунёд этилаётган эркин иқтисодий зона қурилишига муносиб ҳисса қўшиб, бунёдкорларнинг буюртмаларини тез ва сифатли бажаришга эришмоқда. Меҳнат унумдорлиги ва маҳсулот сифатини таъминлашда ишчи-ҳодимларга яратилган меҳнат қилиш ҳамда дам олиш шароитлари муҳим роль ўйнамоқда. Уларнинг ижтимоий ҳимоясига ҳам катта эътибор қаратилган. Шу боис ривожланиш йўлида дадил одимлаётган «DESK INVEST» тадбиркорлари нафақат туман, балки мамлакатимиз иқтисодиёти равангига ҳам ҳисса қўйишмоқда.

Шарифа ИЛЁСОВА
СУРАТДА: корхона фаолиятдан лавҳа.
Ҳакимжон Солиҳов олган сурат.

Пойтахтимизда «Камолот»
ёшлар ижтимоий ҳаракати ва
Тошкент шаҳар ҳокимлиги
томонидан «Тошкент шаҳрим —
гўзал маконим» шиори билан
бошланган ободонлаштириш
тадбирлари давом этмоқда.

«ТОШКЕНТ ШАҲРИМ — ГЎЗАЛ МАКОНИМ»

Президентимиз Ислам Каримов раҳнамолигида ёш авлод камолоти ва истиқболи йўлида гамхўрлик кўрсатиш, уларнинг маънавиятини юксалтириш, онгу шуурда фидойилик, юрт тақдири учун даҳлдорлик, Ватанга садоқат, миллий қадриятларимизга ҳурмат туйғуларини қарор топтиришга алоҳида эътибор қаратилмоқда. Давлатимиз раҳбарининг 2008 йил 2 апрелда қабул қилинган «Тошкент шаҳрининг 2200 йиллигини нишонлашга тайёргарлик кўриш ва уни ўтказиш тўғрисида»ги қарори бу йўналишдаги ишларни янада такомиллаштиришда муҳим дастуриямал бўлиб хизмат қилмоқда.

Қарорда белгиланган вазифалар ижросини таъминлаш мақсадида «Камолот» ёшлар ижтимоий ҳаракати ва Тошкент шаҳар ҳокимлиги ҳамкорлигида бир қатор лойиҳалар, маданий-маърифий тадбирлар амалга оширилмоқда. «Тошкент шаҳрим — гўзал маконим» тадбири шулар сирасига кирди.

Тадбир доирасида пойтахтимизнинг фаол ёшлари, ўрта махсус, касб-хунар, умумтаълим масканларининг ўқувчилари пойтахтимизни ободонлаштириш ва кўкаламзорлаштириш ишларига муносиб ҳисса қўшмоқда. Унда шаҳардаги қирқ мингга яқин ўқувчи-ёшлар фаол иштирок этмоқда.

Жумладан, кўчалар, боғлар, хиёбонлар, мавзе ва даҳаларда ободонлаштириш ва кўкаламзорлаштириш ишлари амалга оширилди. Ариқ ва зовурлар тозаланди, гуллар, дархат ва манзарали ўсимликлар парвариши янада яхшиланди. Болалар майдончалари, спорт мажмуалари саранжом ҳолатга келтирилди. Маҳаллаларда истиқомат қилаётган алоҳида эътиборга муҳтож, ёлғиз кексалар ҳолидан хабар олиниб, уларнинг хонадонлари ташаббускор ёшлар томонидан таъмирдан чиқарилди.

— Жонажон шаҳримизнинг қўлтуғ тўйи арафасида ўтаётган кенг кўламли бунёдкорлик, таъмирлаш ва ободонлаштириш ишларига ёшлар ҳам ўз ҳиссасини қўшаётгани қувонарлидир, — дейди «Камолот» ёшлар ижтимоий ҳаракатининг Тошкент шаҳар бўлими Чилонзор тумани кенгаши раиси Алишер Исмолов. — Жумладан, Чилонзор туманидаги мактаб, коллеж ва лицейлар ўқувчилари Алишер Навоий номидagi Ўзбекистон Миллий бондидаги ободонлаштириш ва кўкаламзорлаштириш ишларида фаоллик кўрсатмоқда.

Назокат УСМОНОВА,
Ўза муҳбири

ДОЛЗАРБ ВАЗИФАЛАР МУҲОКАМА ҚИЛИНДИ

КЕЧА пойтахтимизда кенгайтирилган фаоллар йиғилиши бўлиб ўтди.

Унда Тошкент шаҳрини жорий йил биринчи ярим йиллигида ижтимоий-иқтисодий ривожлантириш якунлари сарҳисоб қилинди, шунингдек, жаҳон иқтисодий инқирози оқибатларини бартараф этиш бора-сида мамлакатимиз Президенти томонидан белгилаб берилган иқтисодиётнинг барқарор ривожланишининг устувор вазифаларини таъминлаш бўйича қўшимча чора-тадбирлар ишлаб чиқилди.

Йиғилишни Тошкент шаҳар ҳокими Абдуқаҳҳор Тўхтаев олиб борди.

Таъкидлаб ўтилганидек, бутун мамлакатимиздаги каби, Тошкент шаҳрида ҳам барча жабҳаларда давом эттирилаётган ислохотлар ўз ижобий натижаларини бермоқда. Инқирозга қарши дастурнинг изчил бажарилиши ҳисобига кўзланган мақсадлар ҳам таъминланмоқда. Давлатимиз раҳбари томонидан бу борада пухта ўйланган оқилона сиёсатнинг амалга оширилиши, ўз навбатида, ижтимоий-иқтисодий соҳаларда мутаносибликка эришишга асос бўлиб хизмат қилмоқда.

(Давоми 2-бетда).

Тошкент шаҳар ҳокимлиги, шаҳар прокуратураси, Меҳнат ва аҳолини ижтимоий муҳофаза қилиш бош бошқармаси томонидан 2009 йил 29-30 июль кунлари соат 9.00 дан 18.00 гача Бобур номидаги маданият ва истироҳат боғида касб-хунар коллежлари ва академик лицейлар битирувчилари ҳамда банд бўлмаган аҳолини иш билан таъминлаш мақсадида бўш иш ўринлари ярмаркаси ўтказилади.

БЎШ ИШ ЎРИНЛАРИ ЯРМАКАСИГА ТАКЛИФ ЭТАМИЗ!

Ярмаркада шаҳримизда фаолият кўрсатаётган корхона-ташкilotларнинг 21243 та бўш иш ўринлари таклиф қилинади. Жумладан, энг кўп учрайдиган касблар ва лавозимлар кесимида — 9957 та, туман ҳокимларининг қарорлари билан тасдиқланган касб-хунар коллежлари битирувчилари учун — 3532 та квота, фаолиятини бошлаган янги корхоналардан — 7754 та иш жойлари тавсия этилмоқда.

Ярмаркада 225 та корхона бевосита бўш иш жойлари билан иштирок этади ва унда куйидаги мутахассисликлар бўйича бўш иш ўринлари таклиф қилинади:

- шифокор ва ҳамшира — 875 та
- муҳандис — 401 та
- тикувчи-бичувчи-йигирувчи — 338 та
- ўқитувчи-педагог — 108 та
- чилангар, электр-газлайвандчи — 121 та
- электромонтажчи — 118 та
- иқтисодчи-ҳисобчи — 112 та
- курувчи — 107 та
- механик — 85 та
- ҳайдовчи — 936 та

Ташкилий кўмита

ҚИСҚА САТРЛАРДА

Тошкент шаҳар ҳокимлигининг Ахборот хизмати ва ўз мухбирларимиз хабарларидан.

✓ **КЕЧА** Фафур Фулом номидаги маданият ва истироҳат боғида Тошкент шаҳар ҳокимлиги, Тошкент шаҳар Халқ таълими бош бошқармаси, шаҳар ўқувчилар ижодиёт

маркази ҳамкорликларида мактаблар қошида ташкил этилган оромгоҳларда дам олаётган болажонлар иштирокида уюштирилган фестивал «Биз — Мустақил юрт фарзандларимиз» деб номланди.

✓ **ТОШКЕНТ** Ахборот технологиялари университетининг ахборот марказида БМТнинг Тараққиёт дастури, Республика Меҳнат ва аҳолини ижтимоий муҳофаза

қилиш вазирлиги ҳамкорликларида имконияти чекланган инсонларни ижтимоий муҳофаза қилишнинг долзарб масалаларига бағишланган семинар-тренинг бўлиб ўтди.

ЖАҲОНДА

• Қирғизистон Марказий сайлов комиссиясининг маълумотларига кўра, кеча мамлакатда бўлиб ўтган Президент сайловларида овоз берувчиларнинг 79 фоизи иштирок этган. Дастлабки маълумотларга кўра, олти нафар номзод кураш олиб борган сайловларда 67 фоиз овоз тўплаган амалдаги президент К.Бакиев етакчилик қилмоқда, 12 фоиздан кўпроқ овоз йиққан муҳолифат вакили А.Атамбаев эса кейинги ўринда бормоқда. Таъкидлаш жоизки, муҳолифат сайловларни легитим эмас, деб ҳисобламоқда.

• Таиланднинг Хукет оролида АСЕАНга аъзо давлатларнинг хавфсизлик масалалари бўйича навбатдаги форуми бўлиб ўтмоқда. АСЕАН саммитида 27 та давлат вакиллари иштирок этапти.

• Исландия мамлакат парламентининг қарорига кўра Европа Иттифоқида 28-аъзо сифатида кириш учун расман ариза берди.

• Европа ва АҚШ фонд бозорлари қийматининг ўсиши негизида кеча жаҳоннинг етакчи биржаларида нефть нархининг сезиларли даражада ошганлиги кузатилди.

• Канаданин Британия Колумбияси музофотида ўрмон ёнгинларининг авжига чиқиши натижасида 2 мингга яқин киши хавфсиз жойларга кўчирилди.

• Швеция пойтахти Стокгольм шаҳрининг жануби-шарқида жойлашган Ботланд оролида йўловчиларни олиб кетаётган иккита паром ўзаро тўқнашиб кетди. Паромлардан бирида 1500, иккинчисида эса 800 га яқин киши бўлиб, ҳодиса натижасида жароҳатланганлар бор. Тўқнашувларга қалин туман тушиши сабаб бўлган.

• Испания ҳукумати мамлакат банк тизимини тиклаш чораларини кўрмоқда. Хусусан, мамлакатнинг халқаро кредиторлардан 60 миллиард АҚШ доллари миқдоридан қарз бўлиб қолган 3 та йирик банкни қайтадан капиталлаштиришга қарор қилинди. Бунинг учун Молия вазирлигининг 270 миллиард Исландия кронаси (1,5 миллиард евро) миқдорида маблағ йўналтириши кўзда тутилган.

